



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კახიანი იმედა ვლადიმერის ძე



ი. კახიანი

კახიანი იმედა ვლადიმერის ძე (დ. 12. V. 1937, სოფ. ეწერი, ახლანდ. სამტრედიის მუნიციპალიტეტი), კინომსახიობი. საქართვ. სახ. არტისტი (1979). 1959 დაამთავრა შოთა რუსთაველის სახ. თეატრ. ინ-ტის სამსახიობო ფაკ-ტი. ინ-ტში სწავლისას შეასრულა მთავარი როლები ფილმში „საბუდარელი ჭაბუკი“ (გოგიტა; რეჟ. შ. მანაგაძე, 1957) და სატელევიზიო ნოველაში „დედის ხელი“ ზაბა; რეჟ. მ. ჯალიაშვილი, 1959). მნიშვნელოვანი როლებია: გელა („თეთრი ქარავანი“; რეჟ. თ. მელიავა, 1963), პიერი („პიერი – მიღიციის თანამშრომელი“, რეჟ. დ. რონდელი, 1965), პლატონ სამანიშვილი („სამანიშვილის დედინაცვალი“, რეჟ. ე. შენგელაია, 1977), ერმილე („სიცოცხლე, ერმილეს!“, რეჟ. ნ. სანიშვილი, 1977), გოგი წულაძე („დათა თუთაშია“, რეჟ. გ. ლორთქიფანიძე, გ. გაბესკირია, 1978), ანდრო („მიზანი“, რეჟ. გ. ხოჭავა, 1979), ისიდორე ბუაძე („მოცურავე“, რეჟ. ი. კვირიკაძე, 1981), ბაჩანა („მარადისობის კანონი“, რეჟ. ვ. კვაჭაძე, 1982); მონაწილეობს ფილმებში: „განაჩენი“ (რეჟ. ლ. ხოტივარი, 1959), „პაპა გიგია“ (რეჟ. გ. გუდავაძე, 1960), „უყაიმო თამაში“ (რეჟ. ი. ქავთარაძე, 1966), „ჩაძირული ქალაქის მაძიებელნი“ (რეჟ. დ. აბაშიძე, 1972), „მთვარის მოტაცება“ (რეჟ. თ. მელიავა, 1973), „გაქცევა გათენებისას“ (რეჟ. ს. დოლიძე, 1975), „გმადლობთ, რატილი“ (რეჟ. გ. კალატოზიშვილი, 1983), „ელისა და რარუს თავგადასავალი“ (რეჟ. გ. პეტრიაშვილი, 1986), „ზღვის მაშვრალნი“ (რეჟ. ე. სემანი, გ. გაბესკირია, 1986), „შავი მერცხალი“ (რეჟ. თ. დუღარიძე, 1986), „დღიურის ჩანაწერები“ (რეჟ. ლ. ერისთავი, 1986), „ფარანი ქარში“ (რეჟ. ნ. ომიაძე, 1987), „ომი ყველასათვის ომია“ (რეჟ. დ. აბაშიძე, 1990), „მხოლოდ სიკვდილი მოდის აუცილებლად“ (რეჟ. მ. წურწუმია, 1992), „წარსულის აჩრდილები“ (რეჟ. ლ. თუთბერიძე).

1996); „სავარძელი" (რეუ. ე. შენგელაია, 2017) და სხვ. იღებდნენ საზღვარგარეთის ქვეყნების ფილმებში: „აფეთქებული ჭოჭოხეთი" (არჩილ ტატიშვილი; რეუ. ი. ლუკინსკი, 1967, „მოსფილმი"), „24-25 არ ბრუნდება" (მილიციის კაპიტანი; რეუ. ა. ბრენჩი, რ. გორიაევი, 1969; ლატვია); „ლერმონტოვი" (ალექსანდრე ჭავჭავაძე; რეუ. ნ. ბურლიაევი, 1986, რუსეთი) და სხვ. მისი საშემსრულებლო მანერა გამოირჩევა დახვეწილი აქტიორული ოსტატობით, ფსიქოლოგიური დამაჯერებლობით, თბილი იუმორით.

ძ. კერესელიძე
